



Broj: 09-20/1-11-2-511
Sarajevo, 04.04.2022. godine

Na osnovu člana 43. a u vezi člana 45. stav 2. Zakona o unutrašnjim poslovima Federacije Bosne i Hercegovina („Službene novine Federacije BiH“ broj: 81/14), i člana 70. Zakona o javnim nabavkama BiH („Službeni glasnik BiH“ broj: 39/14) i preporuke Komisije za provođenje konkurentskih i pregovaračkih postupaka nabavki u 2022. godini, zamjenik direktora Federalne uprave policije d o n o s i

O D L U K U
o poništavanju postupka javne nabavke, Nabavka i sukcesivna isporuka
auto guma za LOT 1 - Auto gume za putnička vozila

I

Poništava se postupak javne nabavke Nabavka i sukcesivna isporuka auto guma, za LOT 1 – **AUTO GUME ZA PUTNIČKA VOZILA**, a u skladu sa članom 69. stav (2) tačka e) Zakona o javnim nabavkama, iz razloga što jedina formalno pravno ispravna zaprimljena ponuda prevazilazi iznos predviđenih sredstava za ovu nabavku u visini od 23,64% procijenjene vrijednosti, te Ugovorni organ nije u mogućnosti osigurati dodatna sredstva za nabavku.

II

Za izvršenje Odluke zadužuje se Sektor za materijalno-finansijske poslove.

III

Ova Odluka objaviti će se na internet stranici Federalne uprave policije.

IV

Ova Odluka stupa na snagu danom donošenja.

O B R A Z L O Ž E N J E

Federalna uprava policije provela je konkurentski postupak javne nabavke Nabavka i sukcesivna isporuke auto guma za **LOT 1 – auto gume za putnička vozila**, broj Obavještenja o javnoj nabavci: 1412-7-1-33-3-41/22, objavljeno na portalu javnih nabavki dana 04.03.2022. godine.

Javna nabavka je provedena putem konkurentskog zahtjeva za dostavu ponuda. Procijenjena vrijednost nabavke za LOT 1 iznosi 33.345,30 KM bez PDV-a. Postupak je provela Komisija za provođenje konkurentskih i pregovaračkih postupaka nabavki u 2022. godini imenovana Rješenjem direktora Federalne uprave policije broj: 09-19/1-30-2-46 od 14.01.2022. godine, te je ista utvrdila sljedeće:

- za javnu nabavku Nabavka i sukcesivna isporuka auto guma – LOT 1 zaprimljene su dvije blagovremene ponude i to ponuđača „GUMA VP200“ Mostar i ponuda ponuđača „UNITRADE“d.o.o. Ljubuški.
- neblagovremeno zaprimljenih ponuda nije bilo,
- prilikom pregleda i ocjene ponuda utvrđeno je da je ponuda ponuđača „UNITRADE“d.o.o. Ljubuški formalno-pravno ispravna, ali da ista sadrži računsku grešku nakon čega je upućen zahtjev ponuđaču za dobijanje saglasnost za ispravku računске greške (24.03.2022. godine od strane ponuđača zaprimljena je tražena saglasnost,
- ponuda ponuđača „GUMA VP200“ Mostar je ocjenjena kao nepotpuna, odnosno da ista nije formalno-pravno ispravna iz razloga što u ponudi nije dostavljena Izjava o garanciji za dobro izvršenje ugovora (koja je tražena tenderskom dokumentacijom), te da dostavljena kataloška dokumentacija nije u skladu sa minimalnim uslovima TD-a (Anexom II) i to: redni broj 9 (minimalna potrošnja goriva-traženo C – ponuđeno D), redni broj 10 (minimalna potrošnja goriva - traženo C – ponuđeno D), redni broj 34 (minimalno prijanjanje na mokroj podlozi-traženo A – ponuđeno B),
- ponuda ponuđača „UNITRADE“d.o.o. Ljubuški koja je formalno-pravno ispravna, je iznad procijenjene vrijednosti nabavke za 23,64%, te je nakon upita Komisije, Sektor za materijalno finansijske poslove, Federalne uprave policije aktom br: 20/1-11-2-511 od 29.03.2022. godine, obavijestio Komisiju da trenutno nije moguće osigurati dodatna sredstva u odnosu na prvobitno predviđena sredstva, nakon čega je Komisija dala prijedlog za poništenje postupka.

U postupku je utvrđeno da je Komisija u svemu pravilno postupila, te da je prijedlog Odluke o poništenju postupka nabavke u odnosu na LOT-1, dat u skladu sa Zakonom o javnim nabavkama i tenderskom dokumentacijom.

Pravna pouka:

ZAMJENIK DIREKTORA
Generalni inspektor policije

Dostaviti: